



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PP) |
| ● YBhg. KSU | ● Setiausaha Akhbar |

Tarikh: 15 Februari 2024



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Penganggur tipu urusan perkhidmatan rumah sewa dipenjara empat bulan

KOTA BHARU: Seorang penganggur dipenjara empat bulan oleh Mahkamah Sesyen di sini hari ini selepas mengaku bersalah atas pertuduhan menipu urusan perkhidmatan mencari rumah sewa dengan mengenakan bayaran sebanyak RM520 kepada seorang wanita, lima bulan lalu.

Hakim Nooriah Osman membuat keputusan itu terhadap tertuduh, Shaffiyah Virdanie Syamsul, 20, selepas mengambil kira mengenai perbuatannya yang mempunyai kematangan dan kemahiran untuk membuat penipuan terhadap mangsa.

"Tertuduh begitu teliti dan licik dalam membuat penipuan itu dengan menggunakan internet. Ia merupakan kesalahan jenayah yang serius meskipun masih berusia 19 tahun ketika melakukan perbuatan itu.

"Sebagai pengajaran dan kepentingan awam, hukuman yang diberikan diharap dapat memberi pengajaran agar tertuduh tidak mengulangi kesalahan yang sama pada masa depan," katanya.

Mengikut kedua-dua pertuduhan, Shaffiyah Virdanie didakwa bersetuju menerima bayaran sebanyak RM520 melalui sebuah akaun bank tanpa mempunyai alasan yang munasabah untuk mempercayai bahawa tertuduh dapat membekalkan perkhidmatan rumah sewa kepada seorang wanita.

Perbuatan itu dilakukan di sebuah bank di Taman Bendahara, Pengkalan Chepa di sini pada 14 dan 15 September tahun lalu.

Wanita itu didakwa mengikut Seksyen 25(1) Akta Perlindungan Pengguna 1999 yang memperuntukkan hukuman denda sehingga RM100,000 atau penjara maksimum tiga tahun atau kedua-duanya jika sabit kesalahan.

Pendakwaan dikendalikan oleh Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN), Mohd. Sophian Zakaria dan Shafiq Mahadi manakala tertuduh tidak diwakili peguam.

Penganggur 'scam' rumah sewa dijel

Kota Bharu: Seorang penganggur dipenjarakan empat bulan oleh Mahkamah Sesyen di sini, semalam atas dua pertuduhan menipu urusan rumah sewa dengan mengenakan bayaran RM520 kepada seorang wanita pada September tahun lalu.

Hakim Noorah Osman membuat keputusan itu kepada tertuduh, Shaffiyah Virdanie Syamsul, 20, selepas mengambil kira mengenai perbuatannya yang mempunyai kematangan dan kemahiran untuk membuat penipuan terha-

dap mangsa.

Katanya, walaupun tertuduh pesalah muda, namun dia begitu teliti dan licik dalam membuat penipuan itu dengan menggunakan internet yang juga kesalahan jenayah yang serius.

"Hukuman ini diharapkan memberi pengajaran supaya tertuduh tidak mengulangi kesalahan yang sama pada masa hadapan dan sebagai pengajaran," katanya.

Mengikut kedua pertuduhan yang dikenakan, tertuduh didakwa dengan

tanpa alasan munasabah sehingga seorang wanita mempercayai bahawa dia dapat membekalkan perkhidmatan rumah sewa dan menerima bayaran sebanyak RM520 iaitu masing-masing RM360 dan RM160 melalui satu akaun bank.

Perbuatan itu dilakukan di sebuah bank di Taman Bendahara, Pengkalan Chepa di sini, jam 9.25 pagi 14 September tahun lalu dan jam 7.59 pagi keesokannya.

Tertuduh didakwa mengikut Seksyen 16 (c) Akta

Perlindungan Pengguna 1999 dan Seksyen 25(1)(b) akta yang sama, memperuntukkan hukuman denda tidak melebihi RM100,000 atau penjara tidak sehingga tiga tahun atau kedua-duanya.

Pendakwaan dikendalikan oleh Timbalan Pendakwa Raya Kementerian Perdagangan Dalam Negeri dan Kos Sara Hidup (KPDN) Mohd Sophaan Zakaria dan Shafiq Mahadi, manakala tertuduh tidak diwakili peguam.

CIDB perlu siasat aduan mangsa ditipu kontraktor perumahan

SHAH ALAM - Lembaga Pembangunan Industri Pembinaan Malaysia (CIDB) perlu mengambil tindakan dan menyiasat sebarang aduan dikemukakan mangsa penipuan syarikat kontraktor perumahan.

Timbalan Menteri Kerja Raya, Datuk Seri Ahmad Maslan berkata, agensi berkenaan juga digesa mengambil tindakan tegas seperti mengenakan kompaun atau mendakwa syarikat kontraktor perumahan yang tidak berdaftar.

"Jawatankuasa tatatertib boleh kenakan tindakan kepada kontraktor berdasarkan keputusan daripada badan timbang tara.

"Perkara yang perlu diambil kira adalah melantik kontraktor berdaftar dengan CIDB kerana ia di bawah Kementerian Kerja Raya (KKR).

"Sediakan surat perjanjian antara pemilik dan kontraktor serta patuhi peruntukan per-



AHMAD

undangan pihak berkuasa tempatan (PBT)," katanya dalam kenyataan pada Rabu.

Ahmad yang juga Ahli Parlimen Pontian berkata demikian mengulas laporan khas *Sinar Harian* pada Rabu berhubung kes penipuan bina rumah yang semakin menjadi-jadi

sehinggakan sekumpulan mangsa mengalami kerugian wang mencecah jutaan ringgit.

Beliau turut mencadangkan agar pihak pemilik tanah mengadakan perbincangan dengan kontraktor perumahan dan menandatangani perjanjian bagi mencapai persetujuan bersama.

"Aduan kepada Tribunal Tuntutan Pengguna Malaysia (TTPM) Kementerian Perdagangan Dalam Negeri dan Kos Sara Hidup (KPDN) jika rundingan gagal bagi kerugian di bawah RM50,000

"Kerugian melebihi RM50,000 pula menerusi tuntutan di mahkamah," ulasnya.



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM

Harga beras putih RM30 sekampit

Oleh **JUANI MUNIR ABU BAKAR**
juani.bakar@mediamulia.com.my

PETALING JAYA: Kerajaan memperkenalkan Beras Putih Malaysia Madani bagi menggantikan kategori beras putih tempatan dan import di pasaran negara ini bermula Isnin ini.

Dengan mekanisme terbaharu itu, kategori beras putih tempatan (SST) dan beras putih import (SSI) dimansuhkan melainkan Beras Putih Malaysia Madani sebagai kategori beras tunggal.

Pengerusi Majlis Tindakan Sara Hidup (Naccol), Datuk Seri Syed Abu Hussin Hafiz Syed Abdul Fasal berkata, serentak itu kerajaan menetapkan harga siling untuk beras putih pada kadar RM30 bagi kampak 10 kilogram (kg) manakala RM15.50 (5kg) dan RM3.50 (1kg).

Bersambung di muka 3

Harga beras putih RM30 sekampit

Dari muka 1

Buat masa ini, harga beras tempatan ditetapkan pada RM26 setiap 10kg manakala beras import kampil 10kg berharga antara RM36 hingga RM38.

"Pengguna boleh mendapatkan bekalan beras putih berharga RM30/kampil di pasaran mulai 1 Mac ini.

"Tempoh 19 Februari hingga 1 Mac ini berikutan mengambil masa untuk dijual di pasaran. Ia memberi peluang kepada pemain industri beras untuk membuat penyelarasan dari segi pembungkusan dan pemasaran," katanya dalam sidang akhbar di Puchong, semalam.

Sebelum ini, Syed Abdul Husin memaklumkan harga beras tempatan dan import perlu diselaraskan bagi mengelakkan manipulasi dan menangani isu penipuan dalam industri berkaitan makanan asas negara ini.

Perkara itu meraih perhatian dan pandangan pelbagai pihak termasuk Gabungan Pengilang-Pengilang Beras Malaysia yang menyifatkan cadangan itu sudah tiba masanya memandangkan 18 tahun harga beras tidak naik sejak 2006.

Syed Abu Hussin yang juga Ahli Parlimen Bukit Gantang berkata, dalam tempoh 19 Februari sehingga 1 Mac ini, kerajaan memberi masa kepada

semua pemain industri beras untuk membuat penyelarasan dengan membenarkan semua jenis pembungkusan lama dijual sehingga stok pengampitan di peringkat pemborong habis.

Beliau berkata, kerajaan turut membenarkan bungkusan lama dipakai tetapi mesti dipotong dan ditampal dengan pelekat RM30 manakala pemain industri beras diberi tempoh untuk mengubah pelabelan dan pembungkusan kampil beras bagi disesuaikan dengan ketetapan baharu itu sehingga 1 Mac ini.

"Semua jenis pembungkusan dan warna sedia ada di

pasaran akan dibenarkan sehingga stok pengampitan di peringkat pemborong habis. Namun, pembungkusan Beras Putih Malaysia Madani akan diselaraskan menggunakan reka bentuk yang kini di peringkat lakaran," katanya.

Beliau berkata, cadangan itu dikemukakan kepada Perdana Menteri, Datuk Seri Anwar Ibrahim dan dipersetujui untuk dilaksanakan.

"Saya telah diberi amanah sebagai jawatan (Naccol) untuk menyelesaikan sedikit-sebanyak kos sara hidup ini (dan) saya kena buat tindakan pantas. Ini pengumuman," katanya.

Apung harga beras tempatan lebih efisien, selesai isu bekalan

OLEH ROSMIZAN RESDI

utusannews@mediamulla.com.my

MELAKA: Pengapungan harga beras tempatan yang dikawal kerajaan pada harga RM26 bagi setiap 10 kilogram (kg) dilihat lebih efisien untuk menyelesaikan masalah bekalan yang belum pulih sehingga kini, meskipun pelbagai tindakan telah diambil termasuk implementasi penguat kuasa di semua peringkat.

Bercakap kepada *Utusan Malaysia*, Pengerusi Persatuan Beras Bumiputera Malaysia (BARIM) Zon Selatan, Khalil Ahmad berkata, kaedah penyesuaian harga beras tempatan dengan beras import seperti terkandung dalam kertas cadangan oleh Mesyuarat Khas Majlis Tindakan Sara Hidup Negara (NACCOL) kurang efektif bagi menyelesaikan permasalahan itu.

Jelasnya, ini kerana jika harga beras tempatan adalah sama dengan beras import, pengguna pastinya lebih memilih beras import atas faktor kualiti produk lantas mewujudkan kesan langsung kepada para pesawah di negara ini.

Ujarnya, jika harga beras tempatan diapungkan, akan berlaku kenaikan di pasaran namun harganya kekal lebih rendah berbanding beras import.

"Isu pokok yang selama ini membelenggu semua daripada pengilang, pemborong, peruncit sehinggalah pengguna adalah harga beras tempatan yang dikawal kerajaan. Bagi setiap 10kg



PENYESUAIAN harga beras tempatan dan import menerima reaksi berbeza daripada pihak berkepentingan dalam industri itu. - UTUSAN/ FAISOL MUSTAFA

dijual RM26 sekampit, peniaga hanya untung kira-kira 50 sen.

"Ini yang menyebabkan ada segelintir pengilang dan peniaga tidak berminat memasarkan beras tempatan sehingga mewujudkan masalah bekalan di pasaran. Jika harganya diapungkan, contoh dijual pada harga RM31 sekampit, ia masih rendah berbanding harga beras import namun memberikan sedikit kelegaan kepada para

pemain industri ini untuk memasarkannya.

"Apabila ini berlaku, masalah bekalan akan pulih kerana ada keuntungan setimpal bagi penjualan beras tempatan. Pengguna juga mempunyai lebih pilihan dengan harga yang pelbagai," katanya.

Sebelum ini, *Utusan Malaysia* melaporkan, harga beras tempatan dan import perlu diselarasakan bagi menge-

lakkan manipulasi dan menangani isu penipuan dalam industri berkaitan makanan asas negara itu.

ia antara langkah yang terkandung dalam kertas cadangan oleh Mesyuarat Khas NACCOL. Cadangan itu bakal menyaksikan harga beras tempatan yang kini dijual di pasaran RM26 bagi setiap 10 kg akan meningkat kepada sekitar RM30 hingga RM33.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 15 FEBRUARI 2024

TARIKH	TAJUK	PAUTAN	MEDIA
15-Feb	Rumah kosong jadi lokasi transit seludup petrol, diesel	https://www.hmetro.com.my/mutakhir/2024/02/1060649/rumah-kosong-jadi-lokasi-transit-seludup-petrol-diesel	HARIAN METRO
15-Feb	Bekalan minyak masak di Sandakan mencukupi	https://sabahmedia.com/2024/02/14/bekalan-minyak-masak-di	SABAH MEDIA
15-Feb	Penganggur licik tipu urusan cari rumah sewa dijel empat bulan	https://www.kosmo.com.my/2024/02/14/penganggur-licik-tipu-urusan-cari-rumah-sewa-dijel-empat-bulan	KOSMO
15-Feb	Ada kilang 'konar' timbangan padi sehingga 220 kg - Azman	https://www.hmetro.com.my/mutakhir/2024/02/1060823/ada-kilang-konar-timbangan-padi-sehingga-220-kg	HARIAN METRO
15-Feb	Ada kilang 'konar' timbangan padi sehingga 220 kg – Azman	https://themalaytribune.com/ada-kilang-konar-timbangan-padi-sehingga-220-kg	THE MALAY TRIBUNE
15-Feb	Penganggur tipu urusan perkhidmatan rumah sewa dipenjara empat bulan	https://www.utusan.com.my/berita/2024/02/penganggur-tipu-urusan-perkhidmatan-rumah-sewa-dipenjara	UTUSAN MALAYSIA
15-Feb	CIDB perlu siasat aduan mangsa ditipu kontraktor perumahan	https://www.sinarharian.com.my/article/649547/berita/nasional/cidb-perlu-siasat-aduan-mangsa-ditipu	SINAR HARIAN
15-Feb	Berbelanja murah barangan asas di Rawang, Tanjung Sepat, Ijok esok	https://selangorkini.my/2024/02/berbelanja-murah-barangan-asas-di-rawang-tanjung	SELANGOR KINI